

NAQQIUT

Akissuteqaat 15. november 2024-imeersoq taarserpaa
(Immikkoortup kalaallisut qulequataa allanngortinneqarpoq).

Uunga

allannguutissatut siunnersuut

Uunga siunnersuut: Sumiiffinni immikkut toqqakkani takornariartunut kiffartuussinernik ingerlatsinissamut akuersissuteqartarneq pillugu Inatsisartut inatsisissaattut siunnersuut

Pingajussaaneerinninnermi Naalakkersuisunit saqqummiunneqartoq.

Siunnersuutip qulequataanut

1. Siunnersuutip qulequataa ima oqaasertaliorneqassaaq:

”Uunga siunnersuut:

**Sumiiffinni immikkut toqqakkani takornarianik sullissinnaanermut akuersissutit pillugit
Inatsisartut inatsisaat”**

§§ 1-miit 28 ilanngullugu aalajangersakkanut

2. §§ 1-miit 28 ilanngullugu ima oqaasertaliorneqassapput:

”Kapitali 1

Atuuffia aamma isumasiuutit

§ 1. Takornarianik sullissinissanut akuersissutinut inatsisartut inatsisaat atuuppoq.

Imm. 2. Illunut, illulanut, aaqqissuussinernut, aqqusinernut aamma attaveqaasersuutinut allanut, takornarianik sullissinermik tunniussinernut atatillugu atorneqartunut, inatsisartut inatsisaat aamma atuuppoq.

Imm. 3. Takornariartitsinermik suliaqarneq aamma inuussutissarsiuutigalugu sulinermut zonenut immikkoortiterineq il.il. aamma sumiiffit ilaanni atuisinnaanermut killiliineq pillugit Inatsisartut inatsisaat malillugu, suliniutinut takornariartitsinermik suliaqarnermut akuersissutinut ilaasunut, inatsisartut inatsisaat atuutinngilaq.

§ 2. Inuup nalinginnaasumik najugaata imaluunniit najugaqarfiaata avataanut angalasoq, aamma angalaneq tamakkerluni imaluunniit ilaannaa nuannaariarnissaq, peqqissarnissaq imaluunniit

sulinngiffeqarnissaq eqqarsaatigalugu pippat, aamma tassunga atatillugu sullissinermik pissarsippat, inatsisartut inatsisaanni matumani inuk “takornariatut” paasineqassaaq.

Imm. 2. Sullissineq suliniutitut ilusilik imaluunniit nioqqutissiatut pingaarnertut takornariatut sammitinneqartoq, aamma akiliisitsilluni tunniunneqartoq, “takornarianik sullissinertut” paasineqassaaq.

Imm. 3. Nunap ilaani sumiiffiup killillip iluani takornarianik sullissinermik imaluunniit sullissinernik arlalinnik tunniussinissamut pisinnaatitaaffittut “takornarianik sullissinernut akuersissut” paasineqassaaq.

Imm. 4. Inuk imaluunniit inatsisitigut pisinnaatitaasoq pisussaatitaasorlu, imm. 3 malillugu takornarianik sullisisinnaanermut akuersisummik tunineqartoq “piginnaatitaaffinnik piginnittutut” paasineqassaaq.

Imm. 5. Takornarianik sullissinernut akuersissutinik nalunaarfigineqarnissaq pillugu nalinginnaasumik pisortanit qinnuteqaatinik nassiusseqqusinertut, inatsisartut inatsisaanni matumani “neqerooruteqartitsineq” paasineqassaaq.

Imm. 6. Sulisitat Kalaallit Nunaanni inunnik nalunaarsuisarfimmi nalunaarsorneqarlutik adresseqartut, “sumiiffimmi sulisitatut” paasineqassapput.

Imm. 7. Pisiortorfiit Det Centrale Virksomhedsregisterimi (CVR-imi) Kalaallit Nunaanni angerlarsimaffeqartutut nalunaarsorneqarsimanissamik pisussaaffeqlartut, inatsisartut inatsisaanni matumani “najukkani pisiortorfittut” paasineqassapput.

Kapitali 2

Takornarianik sullisisinnaanermut akuersissutit

§ 3. Nunami sumiiffinni killilinni takornarianik sullissinermik tunniussinerni, akuersisummik tunniussisoqarnissaata piumasarineqarnissaa pillugu Naalakkersuisut malittarisassanik aalajangersaasinjaapput.

Imm. 2. Sumiiffimmi tassani takornarianik sullissinerit allatut ilusillit tunniunneqarsinnaanerat, sumiiffimmi takornarianik sullissinerit suussusaannut aalajangersimasunut akuersisummik piumasaqaatip mattutinngilaa.

§ 4. Inatsisartut inatsisaanni matumani § 9 malillugu ingerlatseriaaseq, aamma inatsisartut inatsisaanni matumani § 10 malillugu toqqaanissamut aalajangiinermut tunngaviit, aamma § 11 malillugu piumasaqaatit minnerpaaffissaanut aalajangersakkat tunngavigalugit, Naalakkersuisut akuersisummik nalunaaruteqarsinnaapput. Takornarianik sullisisinnaanermut akuersissut kisermaassassanngorlugu nalunaarutigineqassaaq.

Imm. 2. Imm. 1 malillugu takornarianik sullisisinnaanermut akuersisummik nalunaarfigitinniaraanni, inatsisartut inatsisaanni §§ 12-imiit 15 ilanngullugu piumasaqaatigineqartut aamma § 16 malillugu malittarisassat aalajangersarneqartut qinnuteqartup naammassisimassavai. Piffissami akuersissuteqarfiusumi tamarmi pisinnaatitaaffimmik piginnittup piumasaqaatit taakku naammassisavai.

Imm. 3. Takornarianik sullisisinnaanermut akuersissut sioqqutsisumik Naalakkersuisunit allakkatigut akuersissummik pinikkut allannut tunniunneqarsinnaavoq.

Imm. 4. Pisinnatitaaffinnik piginnittut, akuersissummik pisimasut kikkuuneri, sumiiffimmi sumiakuersissut tunniunneqarsimanersoq, suut akuersissuteqarfiusimanersut, kiisalu akuersissutip sivisussusaa Naalakkersuisut tamanut saqqummiussinnaavaat.

Imm. 5. Imm. 1 malillugu takornarianik sullisisinnaanermut akuersissutip tunniunneqarnissaanut piumasaqaatit pillugit Naalakkersuisut malittarisassanik erseqqinnerusunik aalajangersaasinnaapput.

Imm. 6. Tamatumunnga tunngatillugu akuersissutit nalunaarutigineqarnissaannut piginnaasaqarneq kommunalbestyrelsinut suliassiissutigineqarnissaa pillugu, Naalakkersuisut malittarisassanik aalajangersaasinnaapput.

§ 5. Takornarianik sullisisinnaanermut akuersissutit piffissami ukiut 20-it tikillugit nalunaarutigineqassapput.

Imm. 2. Piffissap akuersissuteqarfiusup ukiut 20-it tikillugit sivitsorneqarnissaa Naalakkersuisut nalunaarutigisinnaavaat.

Imm. 3. Imm. 1-imiit 2 ilanngullugu apeqqutaatinnagit, akuersissummut piffissaliussap ataatsimoortup ukiut 30-it qaangissanngilai.

§ 6. Suliniut inatsisartut inatsisaannut ilaatinneqartut pillugit paasissutissat tamaasa oqartussaasut sulianik suliarinninnerannut pisariaqartinneqartut, pisinnatitaaffimmik piginnittup Naalakkersuisunut nalunaarutigissavai.

Imm. 2. Paasissutissiinissamik pisussaaffiup annertussusaa, qanoq ittuulluni aamma qanoq iluseqarluni nassiunneqarnissaa pillugit, Naalakkersuisut malittarisassanik aalajangersaasinnaapput.

§ 7. Sumiiffiup akuersissuteqarfiusup kommunianut, takornarianik sullisisinnaanermut akuersissutinut ataatsimiititaliamik nalilersuisussamik pilersitsinissaq atuinissarlu pillugit Naalakkersuisut aalajangiisinnaapput.

Imm. 2. Sumiiffimmut akuersissuteqarfiusussamut qinnuteqaatit pissutsillu allat inatsisartut inatsisaanni matumani ilaatinneqartut tunngavigalugit, Naalakkersuisut noqqaassuteqarnerisigut akuersissutinut ataatsimiititaliaq innersuussuteqassaaq.

Imm. 3. Akuersissutinut ataatsimiititaliami ilaasortat toqcarneqarnissaannut, siulittaasup toqcarneqarnissaanut, kiisalu akuersissutinut ataatsimiititaliami taasisarneq pillugit malittarisassat pillugit, Naalakkersuisut malittarisassanik aalajangersaasinnaapput.

§ 8. Inatsisartut inatsisaanni matumani § 3-mi, §§ 12-imiit 15 ilanngullugu aamma §§ 17-imiit 18 ilanngullugu kiisalu inatsisartut inatsisaat manna malillugu aalajangersakkat aalajangersarneqartut malillugit piumasaatit avaqqunneqarnissaat, Naalakkersuisut pisuni immikkut ittuni akuersissutigisinnaavaat.

Kapitali 3

Takornarianik sullissisinnaanermut akuersissutit nalunaarutigineqarnerat

§ 9. Neqerooruteqartitsinerup kingorna aamma § 7, imm. 1 malillugu akuersissutinut ataatsimiitidianik attuumassuteqartunik tusarniaareernikkut, takornarianik sullissisinnaanermut akuersissut nalunaarutigineqassaaq. Qinnuteqarfissamut piffissaliussaq sioqqullugu minnerpaamik ullorsutini ulla 45-t sioqqullugit, Naalakkersuisut nittartagaanni kiisalu tusagassiuutini Naalakkersuisut neqerooruteqartitsineq tamanut saqqummiutissavaat.

Imm. 2. Sumiiffimmut aalajangersimasumut neqerooruteqartitsisoqarsimappat, neqerooruteqartitsinerlu qinnuteqartumut piginnaassuseqartumut akuersissummik nalunaaruteqarnissamut periarfissiisimanngippat, qinnuteqarnissamut piffissaliussap naanerata kingorna kingusinnerpaamik qaammatit 18-it qaangiutsinnagit qinnuteqaatip tiguneqarsimanissa piumasaqaatigalugu, nutaamik neqerooruteqartitseqqinnani takornarianik sullissisinnaanermut akuersissut nalunaarutigineqarsinnaavoq.

Imm. 3. Ingerlatseriaatsit imm. 1-imi aamma imm. 2-mi taaneqartut malillugit qinnuteqaatit tunngavigalugit, takornarianik sullissisinnaanermut akuersissutip nalunaarutigineqarnissaa Naalakkersuisut pinngitsoortissinnaavaat.

§ 10. Neqerooruteqartitsinermi toqqaanissamut aalajangiinermi tunngaviit tulliuttut atorneqassapput, taamaattoq imm. 2 takuu:

- 1) Qinnuteqartup takornarianik sullissisinnaanermut akuersissummi pisussaaffiminik isumaginninnissaanut tekniskiusunut tunngasumik piginnaasai pisariaqartinneqartut.
- 2) Qinnuteqartup takornarianik sullissisinnaanermut akuersissummi pisussaaffiminik isumaginninnissaanut aningaasaqarnermut tunngasumik piginnaasai pisariaqartinneqartut.
- 3) Qinnuteqartup takornarianik sullissinissaq taanna imaluunniit sullissinissat taakku tunniunnissaannut periaasia, qinnuteqartup suliniutit pillugit pilersarusiatut missingersuusiaani uppermarsarneqartoq imaluunniit uppermarsarneqartut.
- 4) Sumiiffimmi tamarmi imaluunniit sumiiffiup ilaani, siunissami takornarianik sullissisinnaanermik akuersissuteqarfiusinnaasutut ilaatinneqartumi, takornarianik sullissinerit suussusaata imaluunniit suussusaasa assingi pillugit pisinerulersitsiniarnermut, neqerooruteqarnermut, tuniniaanermut aamma tunniussinermut qinnuteqartup suliarinninniarnera imaluunnit piviusumik pilersarusiornera.
- 5) Pijuartitsinermik periaaseqarluni, pinngortitamut, avatangiisnut, silap pissusaanut, sulisut pisinnaatitaaffiinut aamma inuiaqatigiit soqutigisaannut nalinginnaasunut naleqquttumik qinnuteqartup takornarianik sullissinerit pillugit suliniutinik suliaqarsinnaanermut piginnaassuseqarnera aamma piumassuseqarnera.

Imm. 2. Toqqaanissamut aalajangiinermut tunngaviit aallaavigalugit naliliinerup kingorna, qinnuteqartut naligiittut akornanni, inaarutaasumik toqqaanissaq siunertaralugu, imm. 1-imi taaneqartunit allaanerusunik, toqqaanissamut aalajangiinermi tunngavinnik naleqquttunik allanik, piviusoq naapertorlugu aamma kinaassusersiunngitsunik toqqaanissamut aalajangiinermut tunngavinnik Naalakkersuisut aalajangersaasinnaapput.

Imm. 3. Aalajangiinermut tunngaviit imm. 1-imik aamma 2-mi taaneqartut aamma aalajangiinissamut tunngaviit imminnut missingersunneqarnerat, § 9, imm. 1 malillugu neqerooruteqartitsinermut atatillugu tamanut saqqummiunneqassapput.

§ 11. Piumasaqaatit minnerpaaffissaat, qinnuteqartup piukkunneqarniarluni naammassisassai, neqerooruteqartitsinermut atatillugu Naalakkersuisut aalajangersarsinnaavaat.

Kapitali 4

Pisinnaatitaaffinnik piginnittut

§ 12. Takornarianik sullisisinnaanermik akuersissut taamaallaat inunnut tulliuttunik naammassinnittunut nalunaarutigineqarsinnaavoq:

- 1) Kalaallit Nunaanni inunniq nalunaarsuisarfimmi adresseqartumut aamma piffissami minnerpaamik ukiut 5 qinnuteqarfik sioqqullugu tassani nalunaarsorneqarsimalluni,
- 2) Kalaallit Nunaannut tamakkiisumik akileraartussaatitaasumut,
- 3) nammineq pisuussutiminik tamakkiisumik atuisinnaasumut aamma akiliisinnaajunnaarneq-, akiliisinnaannginnej- imaluunniit atorunnaarsitsineq pillugit suliaqarfingineqanngitsumut, aamma
- 4) pisortanut 100.000 kr.-it sinnerlugit akiligassanik akilerneqareertussaagaluanik akiligassaqanngitsumut.

§ 13. Takornarianik sullisisinnaanermik akuersissut taamaallaat inatsisitigut pisinnaatitaasumut pisussaatitaasumullu tulliuttunik naammassinnittunut nalunaarutigineqarsinnaavoq:

- 1) suliffeqarfimmut piginnittut aningaasaliissutaannaanit akiliisussatut pisussaatitaasumut imaluunniit ingerlatseqatigiiffimmut ingerlatseqatigiiffimmi peqataasup minnerpaamik ataatsip ingerlatseqatigiiffiup akiligassaanik akiliisussatut pisussaatitaasumut Kalaallit Nunaannilu angerlarsimaffeqartumut,
- 2) akiliisinnaajunnaarnermik-, akiliisinnaannginnermik- imaluunniit atorunnaarsitsinissaq pillugit suliaqarfingineqanngitsumut,
- 3) tassani suliffeqarfifiup piginnittut aningaasaliissutaannaanit akiliisussatut pisussaatitaasup aningaasaataasa affai sinnerlugit inunnit pigineqarlutik, aamma taasisinnaatitaanermut piginnaatitaaffit affai sinnerlugit toqqaannartumik toqqaannanngitsumilluunniit inunnit, § 12, nr. 1-miit 3 ilanngullugu piumasaqaatinik naammassinnittunit, pigineqarlutik,
- 4) tassani ingerlatseqatigiiffimmut ingerlatseqatigiiffimmi peqataasup minnerpaamik ataatsip ingerlatseqatigiiffiup akiligassaanik akiliisussatut pisussaatitaasumi peqataasut affai sinnerlugit § 12, nr. 1-miit 4 ilanngullugu piumasaqaatinik naammassinnillutik, aamma
- 5) ingerlatseqatigiiffik pisortanut 100.000 kr.-it sinnerlugit akiligassanik akilerneqareertussaagaluanik akiligassaqassanngilaq.

Kapitali 5

Sillimaniarnermut pilersaarutit

§ 14. Takornarianik sullisisinnaanermik akuersisummit qinnuteqartup qinnuteqaammi nassiunnerata peqatigisaanik sillimaniarnermut pilersaarut allaganngorlugu ilanngutissavaa.

Imm. 2. Takornarianik sullisinissat suussusaat, akuersissutip malitsigisaanik neqeroorutigineqartussat eqqarsaatigineqartut, tassani sullissinerit takornarianut sammitinneqarlutik, tamarmik sillimaniarnermut pilersaarummi imarineqassapput.

Imm. 3. Sillimaniarnermut pilersaarut kalaallisut tuluttullu qaqugukkulluunniit takornarianit tikinnejarsinnaassaaq.

Imm. 4. Sillimaniarnermut pilersaarut ajutoorutaasinjaasunik nalilersuinermik aamma upalungaarsimanissamut pilersaarummit katitigaassaaq aamma nutarterneqarsimassaaq.

Imm. 5. Pissutsit navianarsinnaasut pingaaruteqarnerpaat, suliniummut inatsisartut inatsisaanni matumani ilaatinneqartumut atassuteqartut pillugit, ajutooratarsinnaanermik nalilersuineq erseqqissumik annertuumillu paasissutissanik takornarianut ilisimasaqalersitsinissamut naleqquuttuussaaq. Suliniutip piareersarneqarnerani ajutoorutaasinjaasunik nalilersuineq sulisut toqqarneqarneranni tunngaviussaaq, matumani angalanermi siulersuisut, angalanermi piffissaliussaaq, pissutsit avataanersut nalilersorneqarneranni, atortussat toqqarneqarneranni il.il.

Imm. 6. Upalungaarsimanissamut pilersaarut ajutoorutaasinjaasunik nalilersuinermik tunngaveqassaaq aamma tulliuttunik imaqassalluni:

- 1) annakannajaartoqartillugu imaluunniit ajunaarnermik pisoqartillugu iliuusissat aalajangerneqartussat allaaserineqarnerat,
- 2) sulisuni suliniummi peqataasuni ilisimasassat, misilittagaqarnissaq aamma pisinnaasaqarnerit pillugit paasissutissat, aamma
- 3) qinnuteqartup sulisuisa navianartumik pisoqartillugu qanoq qisuarialeqarnissaat pillugit, matumani attaveqaqatigiinnerup eqqarsaatigineqarnera ilanngullugu, paasissutissat.

Imm. 7. Pisuni inatsisiliornerit allat imaluunniit aalajangersimasumik sulisaatsit, suliniutip pineqartup suliarineqarneranut atasumik isumannaallisaanermut piumasaqaatinik malittarisassiuussisut, aamma qinnuteqartup eqqortissallugit pisussaaffigisai, atuutsillugit, imm. 1-miit 6 ilanngullugu aalajangersakkaniittut atuutinngillat.

Kapitali 6

Sillimmasiinermiit matussusiineq aamma allatut qularnaveeqqusiineq

§ 15. Pisinnaatitaaffinnik piginnittoq inuussutissarsiornermi akisussaanermut sillimmasiisimanissa imaluunniit allatut qularnaveeqquserneqarsimanissa pilugit Naalakkersuisut piumasaqaateqarsinnaapput.

Imm. 2. Pisuni, takornarianik sullisinernut pineqartunut matussusiisussamik inuussutissarsiornermi akisussaanermut sillimmasiisinjaaneq periarfissaatinnagu, aammattaaq qularnaveeqqusiinissaq alla periarfissaatinnagu, imm. 1 atuutinngilaq.

Imm. 3. Imm. 1 malillugu sillimmasiinermit matussuserneqarnissamut aamma qularnaveeqquisiinissamut piumasaqaatit pillugit Naalakkersuisut malittarisassanik erseqqinnerusunik aalajangersaasinnaapput.

Kapitali 7

Najukkami sulisitat pisiortorfillu

§ 16. Suliniutinut, takornarianik sullisisinnaanermut akuersissut malillugu suliarineqartunut, pisinnaatitaaffimmik piginnittup najukkami sulisitanik kiisalu najukkami nioqqtissanik kiffartuussinernillu pisiortorfinnik atuinissa pillugit, Naalakkersuisut malittarisassanik aalajangersaasinnaapput.

Kapitali 8

Takornarianik sullisisinnaanermut akuersissummiq tunineqarnerup kingorna pisinnaatitaaffimmik piginnittup pisussaaffi

§ 17. Pisinnaatitaaffimmik piginnittooq qinnuteqarsimatinnagu aamma taaneqartorpiaat pillugit suliniutit pillugit pilersaarummut akuersissummiq Naalakkersuisunit pisimatinnagu, pisinnaatitaaffinnik piginnittup suliniutinik takornarianik sullisisinnaanermut akuersissummi ilaasunik aallartitsinissa inerteqqutaavoq.

- Imm. 2.* Suliniutinut pilersaarut naleqquttumik annertussusilimmik tulliuttunik imaqassaaq:
- 1) Suliniutip ineriartortinneqarnissaannut kisitsisit anguniakkat pilersaarutigineqartut allaaserineqarnerat.
 - 2) Illut, illuliat assigisaallu akuersissummut atatillugu qanoq pilersinneqarniarnersut aamma atorneqarniarnersut allaaserineqarnerat.
 - 3) § 2, imm. 6 malillugu najukkami sulisitat, aamma § 2, imm. 7 malillugu takornarianik sullisisinnaanermut akuersissut malillugu suliniutit suliarineqarnissaannut nioqqtissanik kiffartuussinernillu pisiortorfiit atorneqarnissaannut pilersaarutigineqartut allaaserineqarneri.
 - 4) Isumannaallisaanermut tunngasunut pisussaaffiit qanoq ililluni naammassineqarnissaannik pisinnaatitaaffimmik piginnittup qulakkeerinninnissaata allaaserineqarnera.
 - 5) Pisinnaatitaaffimmik piginnittup sulisui aamma isumaqatigiissusiorfigisai, takornariat aamma inuit allat, inuttut ajoqusernissamut navianartorsiortinneqannginnissaat qulakkeerniarlugu, pisinnaatitaaffimmik piginnittup suliniutai aamma aalajangersimasumik ingerlatseriaasia pillugit allaaserinninnej.
 - 6) Pinngortitap illersorneqarnissa, avatangiisit illersorneqarnissaat, aalisarneq piniarnerlu pillugit aamma sulinermut pissutsinut inatsisit aamma ataatsimoorussamik isumaqatigiissutit qanoq ililluni pisinnaatitaaffimmik piginnittup naammassinninnissaminik qulakkeerinninniarneranik allaaserinninnej.
 - 7) Akuersissutip atorunnaarnerani, qanoq ililluni avatangiisit iluarseqqinnejqarnissaannik pisinnaatitaaffimmik piginnittup qulakkeerinninnissaat pillugu allaaserinninnej.

Imm. 3. Pissutsit allanngornerisa tamanna piumasaqaatigippassuk, piaarnerpaamik aamma kingusinnerpaamik qaammatit 3 iluanni, pilersaarut allanngortitaq Naalakkersuisuni akueriteqqullugu pisinnaatitaaffimmik piginnittup nassiuressavaa.

§ 18. Suliniutit takornarianik sullisisinnaanermik akuersisummi ilaatinneqartut pillugit nalunaarusiaq, pisinnaatitaaffimmik piginnittup ukiumoortumik Naalakkersuisunut nassiuressavaa.

Imm. 2. Pisinnaatitaaffinnik piginnittup nalunaarusianik nassiusisarnissaa pillugu Naalakkersuisut malittarisassanik erseqqinnerusunik aalajangersaasinnaapput.

§ 19. Nalunaarusiaqarnermut atatillugu paasissutissat saqqummersimasut, pisortani oqartussanut sulifeqarfinnullu namminersorlutik oqartussanit pigineqartunut, Naalakkersuisut avitseqatigiissutigisinnaavaat.

Imm. 2. Inatsisartut inatsisaat malillugu takornarianik sullisisinnaanermik akuersissutit pillugit statistiskiusumik paasissutissat Naalakkersuisut tamanut saqqummiussinnaavaat.

Kapitali 9

Akitsuusiinikkut akileraarut aamma akiliutinik akiliineq

§ 20. §§ 21 aamma 22 malillugit, pisinnaatitaaffinnik piginnittoq takornarianik sullisisinnaanermut akuersisummut pisaminnut ukiumoortumik akitsuusiinikkut akileraarummik akiliisassapput. Akitsuusiinikkut akileraarut Naalakkersuisut pissavaat.

Imm. 2. Takornarianik sullisisinnaanermut akuersisummik piffissami tunineqarfiusumi. Akitsuusiinikkut akileraarummik akiliisussaatitaaneq aallartissaaq.

Imm. 3. Ukumi, akitsuusiinikkut akileraarummut tunngasumi, decemberip naanerani akitsuusiinikkut akileraarut akilerneqassaaq.

§ 21. Akiliuteqarluni aalisarnermut akuersissutinut akitsuusiilluni akileraarut tassaavoq tunngaviusumik akigititaq tapilu.

Imm. 2. Tunngaviusumik akigititaq ukiumut 2.500 koruuniavoq.

Imm. 3. Tapi tikeraartumut ataatsimut ullormut ataatsimut 130 koruunitut naatsorsorneqassaaq.

Imm. 4. Imm. 2-im aamma imm. 3-mi aningaasat amerlassusaat procenti aaqqiissutissaq atorlugu naleqqussarneqassapput.

§ 22. Akuersissutinut § 21-im iilaatinneqanngitsunut, akitsuusiinikkut akileraarut ukiumut 7.500 kr.-iusoq akilerneqassaaq.

Imm. 2. Imm. 1-im aningaasat amerlassusaat procenti aaqqiissutissaq atorlugu naleqqussarneqassapput.

§ 23. Inatsisartut inatsisaat malillugu suliamik suliarinninnermut aamma oqartussaasut oqartussaasutut suliaqarnerannut atasumik aningaasartuutit, pisinnaatitaaffimmik piginnittumit akilerneqarnissaat pillugit Naalakkersuisut malittarisassanik aalajangersaasinnaapput.

Imm. 2. Imm. 1 malillugu akiliineq akiliutitut akileqquneqassaaq.

Kapitali 10

Nakkutilliineq, naalakkiuteqarneq aamma takornarianik sullissisinnaanermut akuersissutit atorunnaarsinnejarnnerat

§ 24. Takornarianik sullissisinnaanermut akuersissutinut, pisinnaatitaaffinnik piginnittunut, suliniutinut aamma pissutsinut inatsisartut inatsisaanni ilaatinneqartunut, Naalakkersuisut nakkutilliissapput.

Imm. 2. Nakkutilliinerup suliarineqarnissaat pillugu Naalakkersuisut malittarisassanik aalajangersaasinnaapput, matumani Kalaallit Nunaanni Namminersorlutik Oqartussat ataanni oqartussaasoq imaluunniit sullissivik sorleq nakkutilliinermik suliaqassanersoq ilanngullugit, imaluunniit nakkutilliinermik piginnaasaqarneq kommunalbestyrelsinut suliassiissutigineqarnissaat pillugu.

§ 25. Pissutsit inatsisinik unioqqutitsisut iluarsineqarnissaat imaluunniit atorunnaarsinnejarnissaat pillugit pisinnaatitaaffimmik piginnittumut aamma allanut inatsisartut inatsisaanni matumani ilaatinneqartunut, Naalakkersuisut naalakkiummik nalunaaruteqarsinnaapput.

Imm. 2. Pisinnaatitaaffimmik piginnittoq inatsisartut inatsisaat malillugu naalakkiummik malinnikkumanngippat, akuersissut inatsisartut inatsisaat manna malillugu atulersinneqartoq Naalakkersuisut utertissinnaavaat.

Imm. 3. Takornarianik sullissisinnaanermut akuersissutit utertinneqarnissaat pillugit Naalakkersuisut malittarisassanik aalajangersaasinnaapput.

§ 26. Pisinnaatitaaffimmik piginnittup pisussaaffii qanoq annertutigissanersut imaluunniit pisinnaatitaaffinnik piginnittoq akuersissutip naanerata kingorna allakkut pisussaaffeqarnersoq pillugu, matumani pisinnaatitaaffimmik piginnittoq akuersissut malillugu suliniutit naammassineranni illunik, illuutinik il.il., pisinnaatitaaffimmik piginnittumit pilersinneqartunik, piiassasoq, kiisalu iluarsaassissoq, tamatumalu kingorna nakkutilliinermik assigisaanillu suliaqarnissaat ilanngullugit, Naalakkersuisut malittarisassanik akuersisummilu piumasaqaatinik aalajangersaasinnaapput.

Imm. 2. § 17 malillugu suliniutit pillugit pilersaarutip akuersissutigineqarnerani, imm. 1 malillugu pisinnaatitaaffinnik piginnittup pisussaaffiisa naammassineqarnissaannut qulakkeerinninniarluni piumasaqaatinik Naalakkersuisut aalajangersaasinnaapput, matumani qularnaveeqqusiinissaq pillugu. Pissutsit allanngornerisa tamanna pisariaqartilerpassuk, piumasaqaatit allanngortitat Naalakkersuisut aalajangersarsinnaavaat, matumani qularnaveeqqusiinerup allanngortinnejarnissaat pillugu.

Imm. 3. § 25, imm. 1 malillugu torersaanissamik naalakkiut pisinnaatitaaffimmik piginnittup naammassinngippagu, pisinnaatitaaffimmik piginnittup akiligassaanik akisussaaffianillu Naalakkersuisut suliniutit aallartissinnaavaat.

Kapitali 11

Pineqaatissiinerit

§ 27. Inuk piaaraluni imaluunniit mianersuaalliorujussuarluni tulliuttunik iliuuseqartoq akiliisitsisummik akiliisitaasussanngortitsisoqarsinnaavoq:

- 1) § 14, imm. 3-mik, § 17, imm. 1-mik, aamma § 15, imm. 1-imik aalajangersarneqartunik piumasaqaatinik unioqqutitsisoq,
- 2) Paasissutissanik oqartussaasup il.il. piumasaqaataanik eqqunngitsunik imaluunniit salloqittaataasunik tunisinermigut § 6, imm. 1-imik unioqqutitsisoq, imaluunniit
- 3) suliniutit takornarianik sullisisinnaanermut akuersissummi ilaatinneqartut pillugu nalunaarusiamik Naalakkersuisunut nassiusinnginnermigut § 18, imm. 1-imik unioqqutitsisoq.

Imm. 2. § 3, § 4, imm. 5, § 6, imm. 2, § 15, imm. 3, § 16 aamma § 18, imm. 2 malillugit malitassani atulersinneqartuni, Kalaallit Nunaanni pinerluttulerinermi inatsimmi malittarisassat malillugit pineqaatissiinerit akiliisitsissutit ilusillit aalajangersarneqarsinnaapput.

Imm. 3. Inatsisartut inatsisaat imaluunniit inatsisartut inatsisaat malillugu malitassat atulersinneqartut akiliisitsissutip aalajangerneqarnissa periarfissaliissutigippagu, akiliisitsissut Kalaallit Nunaanni pinerluttulerinermi inatsimmi malittarisassat malillugit inatsisitigut pisinnaatitaasumut pisussaatitaasumullu akileqquneqarsinnaapput.

Imm. 4. Akiliisitsissutit, imm. 1-imikit 3 ilanngullugu malillugit aalajangersarneqartut, nunatta karsiata pissavai.

Imm. 5. § 6, imm. 1-ip, § 18, imm. 1-ip, imaluunniit § 3, § 4, imm. 5, § 6, imm. 2, § 15, imm. 3, § 16 aamma § 18, imm. 2 malillugit aalajangersakkat aalajangersarneqartut unioqqutinnejneranni, Kalaallit Nunaanni pinerluttulerinermi inatsimmi malittarisassat malillugit arsaarinninneq pisinnaavoq. Arsaarinninneq nunatta karsianut iluanaarutitut pissaaq.

Kapitali 12

Atuutilersitsinermut- ikaarsaariartitsinermullu aalajangersakkat

§ 28. Inatsisartut inatsisaat ulloq 1. januar 2025 atuutilissaaq.

Imm. 2. Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersoq atorunnaarsinnejassaaq.

Imm. 3. Takornariartitsinermik suliaqarnermut akuersissutit, Inatsisartut inatsisaata atuutilernerani nalunaarutigineqartut, atuuttuussusertik attatiinnassavaat. Akuersissutinut taamaattunut Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersumi maannamut malittarisassat atuuttut atuutissapput.

Imm. 4. Inatsisartut inatsisaanni § 21, imm. 4, aamma § 22, imm. 2 malillugit procenti aaqqiissutissaq atorlugu naleqqussaaneq, siullerpaamik 1. januar 2026 pissaaq.”

Siunnersummut oqaaseqaatit

Oqaaseqaatit nalinginnaasut

Inatsisartut inatsisaata kalaallisoortaata qallunaatoortaatalu akornanni oqaatsitigut naapertuttoqarnissaata qulakkeerneqarnissaa allannguutissatut siunnersuutip qulakkiissallugu siunertaraa.

Inatsisisatut siunnersummi aalajangersakkanut ataasiakkaanut oqaaseqaatit

Nr. 1-imut

Allannguutissatut siunnersummi oqaaseqaatit nalinginnaasut innersuussutigineqarput.

Nr. 2-imut

Allannguutissatut siunnersummi oqaaseqaatit nalinginnaasut innersuussutigineqarput.